

敬為^上覺^下光大長老宣讀祭文

(二零一四年十一月二十一日)

恭維

佛曆二五五八年，公元二零一四年十一月二十一日，
歲次甲午閏九月廿九，^上覺^下光長老圓寂追思讚頌委員會全體成員率四眾人等，謹具香花素饌之儀，供奉覺公老和尚覺靈之前，為文而讚頌之曰：

覺公長老	圓寂香江	法燈頓滅	四眾徬徨
哲人其萎	弔幔飄揚	布奠讚頌	龍天哀傷
師籍遼寧	海城虎莊	慧根夙具	聰穎賢良
童真入道	發願成樑	求法心切	遍參諸方
尋師訪道	涉水履崗	親近高僧	智德馨香
初學天台	圓明講堂	圓瑛大師	為作津梁
親承大師	諦公門牆	導師寶公	得法資糧
精研教典	學通三藏	戒定慧具	深廣明彰
香江振錫	高樹法幢	弘宗演教	艱辛備嘗
安老慈幼	菩薩心腸	善緣弟子	遍及四方
闡教釋綱	法業煊煌	法雨普洽	弘化萬邦
善說法要	光大發揚	萬方宗事	佛法金湯
福利社會	玉露瓊漿	悲心救苦	功德難量
經律論釋	著作輝煌	行解相應	勳業永昌
娑婆緣盡	捨報安詳	功圓果滿	證入真常
巍巍德範	青史留芳	祈願再來	倒駕慈航

伏惟

尚饗